



**Claudii Fleurii Abbatis Historia Ecclesiastica**

Ab anno Christi 1618. usque ad annum 1620

**Fleury, Claude**

**August. Vind. [u.a.], 1777**

**VD18 90118847**

§. 16. Rebelles a Cæsareis profligati.

---

[urn:nbn:de:hbz:466:1-67326](#)

**Sæc. XVII.** ditiosis suis machinationibus defi-  
A.C. 1619. rent, Leopoldus quoque Archidux,  
 ne ex suis subditis quisquam seditionis  
 rum Ordinum vel Hungarorum castra  
 sequeretur, indicta etiam capitis poena  
 inhibuit, simulque Catholicis Ordini-  
 bus præcepit, ut Belliduces vel mi-  
 lites vagantes, si in eorum prædiis vel  
 agris delitescerent, Viennam captos  
 abducerent, necnon Monasteria & Ec-  
 clesiasticorum prædia necessario præ-  
 dio tuerentur.

## §. XVI.

*Rebelles a Cæsareis profligati.*

*Barre Hist. Postquam Turrianus Comes, Buc-  
 d'Allemagne* quoium Archiducis jussu e Bohe-  
 pag. 483. mia cum exercitu suo in Austriam pro-  
*Ortel. con-* tin. pag. 69. perare intellexerat, mox & ipse paucis  
 copiis in Regno relictis in Silesiam con-  
 tendit, ubi Hungarorum a Gabore sibi  
 submissorum, & Moravorum, Bohe-  
 morumque facile viginti millia contra-  
 xerat. Cum his igitur e Moraviae fini-  
 bus Teyam fluvium transgressus, in  
 Austriam Danubio proximam sele in-  
 fudit, castrisque ad Wolcherstorium  
 locatis Demersdorffium occupavit, ibi-  
 que haud procul a Cæsareis castris co-  
 pias universas, bellique tormenta ex-  
 plicuit, præcipua proximæ obsidionis  
 cura

cura Redegoferentio supremo Hungari- Sæc. XVII.  
 cæ militiæ Ductori commissa. Haud ita A.C. 1619.  
 pridem Comes Bucquois e Bohemia,  
 & Tampierus e Moravia, præstantis-  
 simi Belliduces Viennam advenerant,  
 quorum prior e munitione sua, vallo-  
 que Turriani castra copiasque conti-  
 nuata tormentorum explosione lacesse-  
 bat, nec remissius Turriano suis e ma-  
 chinis respondente: unde par utrinque *Bellus p. 273.*  
 cæsorum, sauciorumque numerus: Al-  
 tera autem die Bucquois, cum ho-  
 stem suis longe superiorem animadver-  
 teret, noctis beneficio usus, cuncta  
 belli tormenta, per Danubii sublicium  
 pontem, Viennam versus reduxit, re-  
 lictis duntaxat in munitione sex legio-  
 nibus, quibus præerant Saxo quidam,  
 & Fuggerus, & Stauderus Tribuni,  
 repentinis hostium insultus repressuri.  
 Hi paulopost ad densiorem matutinæ  
 nebulæ illapsum a Turrianis oppressi,  
 suorum cædem reciproca clade ulcisce-  
 bantur, demum vero ponte post se de-  
 jecto Viennam & ipsi sese receperunt,  
 insequentibus eos Bohemis: unde ac-  
 currentibus Bucquoio, Tampierio, Ma- *Barre l. 6.*  
 rada & Liechtenstenio acre initur cer-  
 tamen, Austriacis incredibili virtute  
 adversus hostem numero longe supe-  
 riorem decertantibus: Accidit tamen,  
 an militum incuria, vel casu, aut  
 hostis

Sæc. XVII. hostis dolo incertum, ut tria pulveris  
 A.C. 1619. nitrii doliola concepto igne dissilirent,  
 ac quinquaginta circiter Cæsareos milites discerperent: injecto exinde terrore Bucquoyani hostem a tergo instare rati pedem referunt, solus vero Bucquoius animo intrepidus mox restituis Ordinibus in planicie loci, cui Kethleo nomen, reddita ad pugnandum a lacritate certamen instauravit, donec tandem die propemodum mutuas inter cædes exacto superveniens nox utrinque pugnam dirimeret. Altera die rursus mutua castrorum oppugnatione continuatum est prælium, brevi tamen Turrianus Austriacos devincendi spe dejectus, suorumque clade territus, receptui canere jussit, exercitu suo ad trans danubianas rusticorum casas in hiberna disperso: Accepta hac clade repente in irritum cessere Turiani cum civibus Viennensibus Acatholicis consilia, noctu in palatio suburbano in der alten favorit inita, quorum capita hæc erant I. ad primum Turiani ingressum Ferdinandus Cæsar cænobio includatur II. ejus liberi secundum nova dogmata instituantur. III. Fideles Consiliarii ad unum omnes interficiantur. Ceterum in Viennensi hoc conflictu cecidere ex Bohemis plusquam sexcenti, Austriacorum desideratis duntaxat

*Hist. Pragm.  
t. II. p. 201.*

taxat ducentis, quos inter Marchio Sæc. XVII.  
 Pallavicinus vel maxime lugebatur: A.C. 1619.  
 demum ingruente incredibili frigoris  
 asperitate Bucquoius exercitum suum  
 circum Viennam Neostadium usque in  
 hibernas stationes distribuit: nec ta-  
 men propterea a mutuis crebrisque ve-  
 litationibus cessatum est: paulopost duo *Ortel. con-*  
 Hungarorum Protestantium millia a *tin. p. 68.*  
 Cæsareis signis ad Gaboræos perfide  
 transgressi sunt: ita nempe a vera fide  
 alienis potior est rebellantium, quam  
 obsequentium conditio. Attamen ni-  
 hil potentius Bethleemum a concepto  
 Viennam expugnandi proposito abster-  
 ruit, quam inflictæ per Georgium Hu-  
 manayum cladis nuntius; postquam e-  
 nim hic Hungariæ Dynasta Cæsari fi-  
 diffimus in Poloniam auffugere com-  
 pulsus fuerat, celeriter illic collecto  
 sexdecim millium e Polonis & Cosac-  
 cis exercitu, in Transylvaniam irrupti,  
 variaque Hungariæ loca cepit, mox  
 tamen a Ragotsio Cassoviæ Guberna-  
 tore non sine magna clade repulsus.  
 Hic vero adversantis fortunæ invidiam  
 infracta fortitudine superare assuetus,  
 collectis ex fuga copiis, junctisque sibi  
 Radulo & Altheimio Comite, Hume-  
 lam prope, Ragotisanos nil hostile su-  
 spicentes adoritur, ac prælio admo-  
 dum pertinaci & cruento ad seram no-  
 ctem

Sæc. XVII. etem protracto nunc victor, nunc vicitus  
 A. C. 1619. decertat: postero autem die vix cæpto  
 utrinque summa contentione certamen  
 instauratur, victoriae palma ad neutram  
 partem inclinante: tandem vero Po-  
 loni militarem ad astum a pugna con-  
 versi, repente fugam simulant. Tum  
 vero Ragotsianis, solutis ordinibus, ad  
 prædas ac spolia turmatim convolanti-  
 bus, Poloni raptim in prælium regressi  
 peditatum hostilem propemodum uni-  
 versum deleverunt, ipso Ragotsio non-  
 nisi propudiosa fuga mortem declinante.  
 Reportata hac victoria Cæsarei Joan-  
 nisdorfium usque populationibus pro-  
 gressi, hoc idem Ragotsianæ ditionis  
 oppidum diripuerunt, parisque excidii  
 terrorem Eperieusium usque Casso-  
 viamque propagarunt: Ragotsio autem  
 Podackum contendenti Bethlemus Ra-  
 degum Ferentium cum aliquot millibus  
 auxiliatum submisit, ipse vero colle-  
 ctis vasis, reliquaque Vienna retro Po-  
 sonium regressus est, ubi direpta in iti-  
 nere Soproniensi civitate fœdus cum  
 Bohemis restaurabat, passimque, ut  
 ipse Cluverius testatur, Pontificios seu  
 Catholicos dire habebat. Demum in-  
 dictis comitiis, repudiatoque Ferdi-  
 nando, se in Hungariæ Regem a Pro-  
 ceribus proclamari, raptæque coronæ  
 Regiæ custodiam in se transferri ca-  
 rabat.

*Cluver. epi-*  
*tome p. 781.*

rabat. Cum autem discordantes jam Sæc. XVII.  
tum Proceres Hungaros reperisset, ti- A. C. 1619.  
tulum Principis Hungariæ tantisper  
sibi arrogans, alia comitia in Novem-  
brem proxime secuturum Hungaris im-  
perabat, quæ tamen parem primo con-  
ventui exitum habuere; cum enim  
Gabor, ejusque socii rebelles. Ferdi-  
nando abdicato, alium Regem eligen-  
dum proponerent, Ordinum non pauci  
pristinum Sacramentum exuere renue-  
bant, palamque Croatæ testabantur,  
nullam sibi desciscendi caussam esse,  
nec ulla in re se a Ferdinando incle-  
menter habitos fuisse. Hæc declara-  
tio vehementer ambitiosum affixerat  
Gaborem, qui imperare, non autem  
postulati sui repulsam ferre assuetus  
erat.

### §. XVII.

#### *Comitia a Correspondentibus No- rimbergæ celebrata.*

Haud parum quoque Friderici, qui *Merc. Gal-*  
*Praga reversus se pro Bohemiæ* <sup>lob. t. 13. l. 1.</sup>  
Rege gerebat, res turbabant Princi- *Carafa &*  
pum Correspondentium dissidia, ob *Brachel. l. 4.*  
quæ eorum Conventus Rotemburgi ad pag. 291.  
Tubarum habitus irrito successu dis- *Barre Hist.*  
solvebatur: Alium igitur Mense No- *d' Allemagne*  
vembri Norimbergæ habere decernunt, <sup>tom. 9.</sup>  
*Hist. Eccles. Tom. LVI.*      *Cc ad*